



國立故宮博物院珍藏



清代起居注冊

咸豐朝 第二十六冊

國立故宮博物院珍藏



清代起居注冊

咸豐朝 第二十六冊

咸豐五年六月上……	一四九九七
咸豐五年六月下……	一五一二一
咸豐五年七月上……	一五二五一
咸豐五年七月下……	一五三七三
咸豐五年八月上……	一五四九五
咸豐五年八月下……	一五五九七

清代起居注冊——咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

3

72 · 12 · 0650

· 89007126 ·

清代起居注冊 咸豐朝第二十六冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六二一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

新學社
PDG

咸豐五年歲次乙卯六月初一日壬辰內閣
奉

諭旨崇恩奏遵查海口被盜情形請將遊擊革職
並自請議處各等語山東登州水師前營遊擊
羅朝輔於所轄洋面被盜艇闖入既未能先事
豫防復稱病回署不出實屬庸懦無能羅朝輔
著即革職留營勒令出洋捕賊効力儻不知愧

奮即行嚴叅治罪崇恩雖因遠在軍營未能親往督辦究屬疎忽著交部議處又奉

諭旨奕網等奏請將辦理團練尤為出力人員量加獎勵一摺上年易州操練兵丁為日無多並未奉調他處即經裁撤至隨時操防係屬分內之事所有在事人員著毋庸給獎又奉

諭旨桂良奏道員患病懇請開缺擬請揀員調補

一摺直隸天津道新授順天府府尹張起鵠著
准其開缺錢忻和著調補直隸天津道所遺清
河道員缺著克明補授又奉

諭旨順天府府尹著蔣琦淳補授未到任以前仍
著譚廷襄署理刑部左侍郎著李清鳳署理又

奉

諭旨四川鹽茶道員缺著石景芬補授又奉

諭旨山東登州鎮總兵田浩然著送部引見又奉
諭旨山東登州鎮總兵員缺著王鵬年補授即著
速赴新任是日吏部議覆江西巡撫陳啟邁題

大庾縣知縣袁翼試署期滿請實授一疏奉

諭旨袁翼依議用餘依議是日兵部題福建漳州
城守營守備員缺請以守備儘先陞用之福
建陸路提標右營千總王三韜擬補一疏奉

諭旨王三韜依擬用餘依議又題浙江象山協右
營守備員缺請以守備陞用之金華協左營
千總郭殿華擬補一疏奉

諭旨郭殿華依擬用餘依議

是日

起居注官麒慶沈炳垣

初二日癸巳

上詣

壽康宮請安是日內閣奉

諭旨何桂清奏請開復道員一摺前任浙江糧道
胡元博因辦漕遲誤並有短絀銀米降旨革職
飭令回省清釐茲據該撫查明該革員辦理湖
屬舊漕已將搭運米石及變價銀兩全數解清
並歷經派委隨同司道催提海運銀米及籌防

局總辦文案均能奮勉出力胡元博著准其開復道員原官仍留浙江差遣委用該部知道又

奉

諭旨崇恩奏請將陣亡之外委等員懇恩優卹等語山東壽張營馬家汎經制外委葛太平青州營額外外委張起盛臨朐汎把總劉興武前在高唐剿賊該弁等爭先衝鋒鏖戰陣亡或身受

重傷力竭遇害俱能奮勇捐軀忠烈可嘉葛太
平張起盛劉興武均著交部從優議卹又奉

諭旨崇恩奏請裁撤兗州糧臺並出力各員可否
酌保等語現在山東征兵俱已凱旋所有兗州
糧臺著即裁撤責成藩司厲恩官認真覈實報
銷以杜浮冒其承辦各員及辦理防堵之地方
文武員弁紳士准其擇尤分案保奏毋許冒濫

又奉

諭旨崇恩奏請將拏獲著名巨匪之知縣懇恩鼓勵等語山東嶧縣知縣倪夢麟將著名巨匪靳豹購線設法拏獲緝捕尚屬勤能倪夢麟著先行賞加知州銜仍照例送部引見以示鼓勵又

奉

諭旨何桂清奏請飭在籍大員辦理糧臺等語安

徽甯國府現辦防剿所有該府捐輸團練事宜
經前任江南河道總督潘錫恩前任長蘆運使
陶士霖辦理已有成效即著潘錫恩陶士霖率
同幫辦之紳士吳觀爛查守誠王宏遠汪時元
朱德蕃等管理該處糧臺事務以專責成又奉
諭旨何桂清奏請暫留革員差遣等語江蘇署揚
州營守備薛舉前因招勇遲誤降旨革職發往

新疆效力茲據該撫奏稱浙省雇募壯勇差遣
需人薛舉著准其暫緩發遣留於浙江交何桂
清差委該部知道又奉

諭旨浙江金華府知府員缺著彭玉麟補授又奉
諭旨此案著交陳啟邁親提人證卷宗秉公嚴訊
確情按律定擬具奏抱告民人曾紀元該部照
例解往備質是日太常寺題六月二十三日祭

火神廟一疏奉

諭旨遣麟魁行禮又題×月初一日孟秋時享祭
太廟一疏奉

諭旨朕親詣行禮

後殿遣載銳行禮東廡遣常喜西廡遣常英各分獻
是日步軍統領衙門奏補中營副將一缺南
營叅將一缺將正陪人員帶領引

見奉

諭旨中營副將員缺著叅將李英補授所遺南營
叅將員缺著候補叅將李萬年補授是日吏部
將五月分月官員外郎梁元桂等十三員帶
領引

見奉

諭旨禮部祠祭司員外郎員缺著梁元桂補授湖

南新田縣知縣員缺著賀式欽補授湖南臨湘
縣知縣員缺黃維瓚補授湖北羅田縣知縣著
張健封補授江西東鄉縣知縣員缺著屠秉懿
補授四川永川縣知縣員缺著黃惇典補授四
川溫江縣知縣員缺著薛廉補授陝西清澗縣
知縣員缺著王佑補授湖南祁陽縣知縣員缺
著吳金台補授籤掣甘肅渭源縣知縣壽藍玲